

清人逸事

六 卷

DK35/0206

清朝野史大觀卷六目錄

清人逸事

顏軍門遺事

馮郎中

梁文莊感激恩遇

尹文端對於僚屬之謙下

孫家淦之膽

年羹堯軼事一

年羹堯幼時軼事

年羹堯之驕

虎入年大將軍宅

鄂爾泰

張圖南

沈端恪逸事

傅閣峰尙書

方靈阜之直

岳威信

顧琮之風節

賜金園

韓文懿公不阿流俗

卷六目錄

秦晉園學士逸事

楊文乾

梁文莊無媚清秩

鄂剛烈公

強項令

年羹堯軼事二

記年大將軍事

年大將軍與內閣公文

朱文端奏免年遐齡從坐

方敏恪公軼事

李紱沈近思

沈端恪

魏青天

醉公

李衛不禁娼賭之用意

于清端嗜酒

春聯

顧總河

方敏恪公軼事

孫昭成杖責滋事宮監

四三麟鳳二六鴻鸞

郭先生

記江南清查事

年羹堯軼事三

史文靖爲年羹堯所薦

蔣生

年羹堯之師

蔡珽

陸科多以沈端恪爲諍友

沈端恪儒釋之奏對

謝濟世不屈於學使

岳威信兵法

蔡以臺嚮妻養母

世宗優禮蔣文肅

張文和之才

尹文端公

清朝野史大觀 卷六目錄

二

王文肅

王文靖

岳鍾琪紀成斌冤獄

楊勳之治行

鄂爾泰窮世之言

張廷玉馭吏之嚴

史閣部後嗣

田文鏡嘉科目中人

謝濟世勛田文鏡

陳學海

典試降官

耿精忠有賢母

汪師韓編修爲姘婦所累

劉師恕奏請飭緝海澄印信

蜈蚣八字賭

粵東西兩撫之齟齬

漕弊

衙司空

朋黨

布蘭泰

記李不器事

不通之御史

巡撫裁縫并坐見客

腰斬之慘

三異寶

宮中帳簾

三桂新府

周王元年

吳三桂女

三桂輕財好士

馮魁投身契

滇中三好

八面觀音四面觀音

世宗密訓李衛

世宗信任李衛之專

呂四官

舒文襄公豫定阿逆之叛

奎壯烈

百菊溪制府

許壯烈

張總兵

劉文清語

海超勇盜馬

福郡王

福文襄王夫人

牧菴相國

章公諒諫

安三

吳南溪

博爾奔察

姚中丞

王文儒

張茂修

明文襄

明參政

劉鳳詰

吳雅中丞

渺丈夫

董太傅

王儕嶠

賽將軍

陸中丞之愛民

嵇文恭公

傅文忠公之謙

楊誠齋軍門

金海住先生

朱文正公

松相公

徐端

王文端清節

阮文達公採嬰法

紀文達公逸事

嘉勇貝子

朱文端力保舒文襄

雷翠亭持躬之正

鄂容安賜諡剛烈

董文恭不愧爲社稷臣

董天弼之忠勇

嵇文恭清操

福文襄被異數有十三

卷六目錄

伊中丞

徐中丞

吳達善

黃文襄設幕館事

伍相國

拉傳二公

朱文正清德

康方伯

傅厚庵

裴宗錫疏請裁樓樹飼蠶

楊中丞精相術

老頭兒

三文敬公大節不苟

程侍郎預知亂事

雷翠亭劾奏余棟奪情

松文清之忠廉

朱筭河狷介

額勒布官兩淮時之清廉

畢秋帆發庫銀賑濟

李愷長髯

戴文端

梁瑞峰

信勇公

李漱芳

直恪公厚德

甘莊恪

盛司寇

尹閣學

魁制府

莊侍郎廉鯁

紀文達奏對之敏

紀文達煙量

張巡檢杖太監

蔣伯生大令疆項

蔣韶年之孝行

胡清恪敢言

沈廷芳禮賢愛民

大庾戴氏之恩眷

福康安周旋海關察

董文恪力變川省華侈之風

三

李恭勤之權變

馮柯亭能以禮事親

陸郎夫之忠清

孫文淵慘幕職時之器識

鄂文端

沈孝子負骨歸葬事

朱相國號盤陀老人

德文莊家四世翰林

松相國除吏部

袁簡齋軼事

查學詩

燒車御史

劉德

吳熊光隆遇

謝薌泉之疏闊

嚴士銓不畏疆禦

畢秋帆力保張回子之正反

仕途中豪俠風

鄒齋政績

孫春台中丞

殺賊改爲撫賊

劉孝子

陳文肅少賤習勤之效驗

孫淵如洪亮吉氣節

彭芝楣

韓桂齡衛生

趙大司空之異性

長相國徵回民賦稅

鈕姓門庭之盛

隨園有二

漏寫押韻

姚令儀

典史被管

曹文正夢桂文敏

傅文忠身後贈郡王爵衍

尹舍人以清白遺子孫

陳星齋太僕被毆

朱文正之風趣

方恪敏公

畢秋帆軼事

吳荪圃協揆之文章經濟

朱竹君之不肯和同

陳法之操行

方恪敏公不納故友孫女爲妾

姚畢二公膽識

楊時齋

黃左田

松相國宴客

竇東皋

烏大經智略

兄弟同榜

馬琰再及第

溫典史殉節

潘文恭之幼慧

孫文靖從征緬甸時遇險

姚立德協守東昌府之鎮靜

阮文達之祖德

爲百姓哭

曹宗丞逸事

戴吳二公

李翁義舉

陳尙書逸事

金匱孫文靖公

蔡太守

方勤襄公盛德

尹文端公肅江南漕政

達瓦齊

尹文端母封記

劉文正公之直

阿文成公用人

阿文成公用兵

阿文成之遠慮

武廬谷借箸墨吏

鄭孝子

馬壯節公

成將軍

宋總兵

葉副將

壽同春布衣謀復淡水廳城

朱文端公救舒文襄

蔣封翁

金文簡公

戴簡恪公

記許樂亭事

陳方伯

程文恭公遭遇

百文敏

趙芥堂惠政

劉文正

阿文成公相度

阿文成之將略

阿文勤訓子

阿文成遺事

王露

李昭信相公

梁提督

馬彪

楊時賓提督

莊虞山總戎

記蔣洲

葉孟兩公道事

記孫文靖公家事

小泥人

萬梅泉

孫伯淵不阿權貴

趙甌北守鎮安

魯亮齋

熊知縣

倚松亭

阿文成之於岳大將軍

阿文成之器量

武廬谷之行誼

傅卓園

李壯烈戰蹟

黃文襄公

阿司寇

兆武毅公

乾嘉人才

馬提督晚節

錢文端少時之貧

謙語成識

于文襄之教

謝金園憐才愛士

書阿文成公遺事

書裘文達遺事

游駐關

張保

書阮元事

記福康安

福康安與夫之橫暴

公子漫游

記林子川事

楊夢槎被禍

巴延三

富勒渾

乾嘉人才

楊天相之冤獄

傾軋可畏

吳槐江在軍機大臣上行走

畢秋帆壽和珅詩

劉文正公塞陽橋決口

于文襄出缺之異聞

官場勢利

裘文達長於行軍治水

紀曉嵐逸事

畢官保遺事

百文敏軼事

部吏口才

剃髮

張船山風節

沈樹聲

蔣子蒲

訥親之功過

閔撫軍之豁刻

博爾奔察之詭譎

來文端善相馬

達瓦齊之愚昧

一團和氣

和珅伎倆

寶東皋爲和珅書扇

劉文清晚歲改節

曹文恪之健啖

阿文成兵法

裘文達公課子之嚴

湖北謠

畢秋帆

戴簡恪軼事

副天保

轎夫

李方伯冤獄

雙料曹操

王以錕兄弟同擬魏科

蔡必昌

獄中祭酒

李恭勤公逸事

海蘭察之將略

伊桑阿之無恥

嵇文恭不爲和珅書摺帖之委曲

和珅許海蘭察之短

和珅宅內之缸燈

和珅詩

記和珅與劉文清不治

和珅朝珠

和珅善測帝意

入相奇緣

權臣奢儉

王文端嫉和珅

德文莊父訖於和珅

武虛谷杖和珅番役

郭大昌之於和珅

謝御史軼事

和珅後裔

和珅墳塋

和珅庫

和珅姬妾

和珅善譴

王文端之守正

劉文清之戲和珅

伍彌泰之於和珅

貪墨之風

錢南園通政之敢言

和珅之貪黷

和宅太監

和珅納賄

和珅之家財

線量美人

管侍御擬劾和珅

孫淵如之氣節

曹劍亭劾和珅

曹侍御以劾和珅家人得追贈

錢南園劾奏國泰之勇決



清朝野史大觀 卷六

清人逸事

顏軍門遺事

顏軍門（鳴皋）粵東梅州人。性豪雋。喜讀書。時有相士謂其他日當以長鎗大劍取功名。顏嗤其妄。攻苦益力。年屆三十。急於進取。居父喪。禪服未終。應試入學。爲鄉人攻訐被斥。或謂之曰。相士之言驗矣。觀子骨相。魁梧奇偉。異日爲朝廷寄閫外任。無忝也。安事窮年咕嗶爲顏。題其言。棄讀。習騎射。越歲一試冠軍。遂登武科。公車北上。舟抵維揚。夜泊。聞鄰舟鄉語喧呶。過訪之。則皆南越應武會試者。因同行有番禺朱某病劇。垂斃。議舉而棄諸厓。所慮者他日歸鄉。朱之親屬索屍棺結訟耳。顏曰。此大不可。公等與朱君同鄉里。忍棄之原野。飽犬豕腹乎。衆曰。君獨非同桑梓乎。盍過君舟。或者起死人而肉白骨。徒爲局外人議論。無當也。顏遂毅然挈朱歸舟。親視湯藥。越日捨舟登陸。而朱病益甚。歿於車中。途次無以爲殮。旅店已死者不得入。遂以帕蒙死者首。托言猝中惡。恐車中顛播。負之行三十里。晚入旅店。主人勿辨也。次日擇土殮埋。封識而去。比入場。顏固文士。武備非夙嫻。而策論則洋洋數千言。場中

莫與埒。同考官以其外場僅列單好。姑置之。夜分假寐。恍惚見案上發奇光。起視之。則顏卷也。挑燈細閱。不覺擊節曰。此人異日爲將。祭遠羊祜之儔也。薦於主司劉文正公。并述其異。遂登上第。後歷任海疆。至福建臺灣。鎮署水師提督。以功名終。

秦簪園學士逸事

嘉定秦簪園先生。少時貌甚劣。質直無文。合巹之夕。新婦悶坐垂涕。先生詢之曰。余雖不才。忝名庠序。家雖不豐。尚可溫飽。今日吉期。何爲若此情狀。新婦云。幼已字有壻家。父母嫌其貧。遂悔初盟。先生詰以何人。新婦爲述其姓氏。乃同學友也。先生立即避出。並遣人將同學友招之來。告其故。且謝誤娶之罪。幸未成婚。卽以己之洞房爲同學友之洞房。次日將奩飾衣物。悉行贈與同學友。而送之歸。嗣於乾隆癸未科登禮榜。當未傳臚時。前十本已知爲某某。而先生名次在後十本第一。其第一名褚公廷璋。乃長洲人。與同郡某宦有隙。適諸城劉文正公將所定前十本進呈。某宦欲中傷之。因語文正公云。外間早已迎新鼎甲矣。公本公正無私。不知機詐。聞此言。勃然曰。難道我有弊乎。既有此言。曷改諸。遂以後十本進呈。而簪園先生竟大魁多士。

方敏恪公軼事

海昌陳粵南先生雍正下未會試。與仁和沈椒園先生共坐一車。每日恆見一少年步隨車後。異而問之。自言桐城方氏子。將省親。塞外乏資。故徒步耳。二公憐其孝。援令登車。而車狹不能容。於是共議。每人日輪替行三十里。俾得省六十里之勞。到京別去。不復相聞問矣。後二十餘年。粵南先生以雲南守赴都。椒園先生時陳臬山左。亦入覲。途中忽有直隸總督差官來迎。因邀至節署相見。則總督卽方氏子。歡然握手。張筵樂飲十日。稱爲車笠之交。一時傳爲美談。茲見武曹先生所記方敏恪公軼事。有相類者。用附錄之。曰。吾鄉喬堅木丈。嘗歸自京師。返道過保定時。直隸總督爲方敏恪公。喬方出也。公留署累日。一夕酒半。喬自陳屢赴公車。侘傺不得志。公曰。甥得毋有飢不食耶。喬作而對曰。未也。得毋有寒無衣耶。喬作而對曰。未也。公笑曰。嘻。是奚足飾。吾方窮時。將遊京師。至寶應資罄。歲將暮。寒風栗烈。敝縕袍僅行線存。中無裏衣。束帶長尺餘。兩端以貫續之。納履則足之前後皆見。將詣汝母。丐數金北上。甫抵門。僕者衣冠甚都。列坐於門之兩楹。余遽巡欲入。僕詰曰。客奚爲者。余曰。將探吾戚。僕笑曰。是安得有若戚。得毋爲行竊計耶。余自顧饑人子。欲言之恐礙汝母。遲回久之。終弗入。迺信步折而東。又屈曲西行里許。至盧家巷。巷門爲南北通衢。有屠門市者如爭。屠每割必倩對字列肆者書。數往來甚煩。列肆者頗厭苦之。余倚柱而笑。屠顧見曰。客何爲者。作

字比不得切肉也。余拱手曰：非敢然也。見長者行甚苦，小子略識字，幸不棄，可代勞耳。屠喜曰：客乃能書，卽借肆中紙筆置几案。屠者手切肉，權輕重，卽口誦數。余奮筆疾書，食頃已更數十紙。屠笑曰：客之書更速於我之切也。會日暮，屠者荷餘肉行，顧余曰：吾知客未飯，盍從我於家。余隨之數百步，門臨河畔，茅屋三間，一女應門。可十八九許，屠呼老嫗出曰：吾幸延客，速作飯。叩其姓胡也。亦返問余，歎曰：是縉紳官家子也。坐余以堂，少選提一壺酒，命女溫之。燭至，命嫗女俱坐曰：客幸不見外。我老無子，迫歲甚忙，又無夥伴，客能留卒歲，當必有以將意。余曰：某窮途，長者見收，幸甚。屠大喜，酒至，輒取盎中鹽菜爲副，切肉置大槃。是時余已餓，竟日酣飲快意，視今日之節制，畿輔其樂十倍。飯罷，皮門扇爲牀，布草薦，取布被覆焉。天將明，呼余起，日記數以爲常。除夕爲置酒肴羹肉，共食如初。元日余攬衣起，則非復故衣。一藍布袍，新布絮襖，近身裏衣絮袴，內外補綴完整，布襪履各一。余驚起拜謝。屠笑曰：客此去當作官人，區區者奚足言。開歲五日，余欲去，屠曰：此間鐙事甚鬧，幸更延十數日。余心德之，不能卻也。望後乃辭以行。屠者曰：固知客不能留也。又置酒肴爲餞，翌日贈錢四千，襪被囊一，將所覆布被并錢納焉。送至河干，余拜屠亦拜。附船至山東，囊中餘錢數百。有故交自北來，身無一錢，分半與之。遭遇聖恩，以有今日，皆胡長者賜也。及爲直隸布政司時，遣一介以

千金報德。且戒曰。若肯來。卽備輿馬迎至署中。至則門巷蕭條。胡夫婦身歿已久。女適誰氏。子亦不知所終。言至此。公泣數行下。座客皆爲之改容。喬恍然如有所失焉。

馮郎中

馮成修字達天。廣東南海人。成修七齡喪母。依世父以養。每語及其父遠出事。輒涕泗交頤。益奮學。乾隆己未成進士。選庶常。散館。改吏部主事。庚午。晉禮部郎中。己卯。命督學貴州。揭條約十四則以訓士。成修得官後。兩次乞假尋親。卒無所遇。以故一生隱痛。年六十一假歸。不復出。掌教粵秀越華書院。受業數百人。年八十。計其父已百有一齡。乃持服三年。乙卯。重宴鹿鳴。卒壽九十有五。著有養正要規諸書。工詩。送沈歸愚宗伯還里。分得老字。句云。九重垂念儒臣老。爲當時所傳誦也。

楊文乾

田文鏡不喜科目。總督河東時。祥符令平越王士俊嘗謁田。田問出身。王眉蹙口澀。若爲萬不得已者。對曰。士俊不肖。但某科翰林耳。田以爲訕。已愈惡之。每見嗔喝。吹毛索瘢。王憂懣。幕客裘香山。高士也。被酒大言曰。制軍有意相督過。將早晚劾公。公去無名。不如擇一有名事去。問何事。曰。今新河南。隸地增稅。民不能堪。公以狀啟田。田必據此劾公。公雖去。公名傳。

矣。王深然之。繕稿數千言。通牒大府。布政使楊文乾心嫌田所爲。屈於勢位。不能言。得王牒。驚曰。此何時尚有奇男子。呼童焚香供牒再拜。遲明田果具疏劾王。屬楊具詳。楊佯助田。怒謾曰。狡哉。王令公憎。故借此求名。若據彼牒劾。是隨其計也。且罪止罷官。不如姑舍是。而別摘他罪中之使不得舒展。田然其說。由是王感楊甚。每念舍身報。無何天子擢楊巡撫廣東。士俊送出境。悲不能止。楊亦泣然曰。事未可知。何忍遽別。姑行一驛乎。既又留之曰。事未可知。姑再行一驛乎。王自度楊去。已必無全理。惻惻相隨。忽見飛騎北來。捧黃封授楊。楊下輿北向九叩。招王曰。我與汝同往廣東。速歸理裝。蓋楊奉旨升任時。卽具疏力薦王可大用。天子許以道府用矣。王感激伏地叩謝。淚隨聲下。比至廣東一年。授肇高廉道。尋擢布政使。田卒。竟督河東代其位。

孫詔成杖責滋事宮監

孫方伯詔成。康熙壬辰進士。選庶吉士。爲甘肅武威清朝甲科之開山。雍正初年。解館改知直隸某縣。會世宗有事先陵。蹕經其邑。大雪積行。宮門外數寸。故事。凡宮門內外。冀除之役。宮監司之。時宮監有所索於方伯。未之允也。輒呼縣官來掃雪。方伯擁篲以前。謂宮監曰。縣官爲天子掃雪。豈辱事耶。僮僕掃雪不已。宮監怒。將羣集而毆之。於是方伯引其魁以出。飭

皂隸縛而加杖。是時上官皆伺候宮門外。聞之震慄。遂以其實上陳。且請罪。世宗覽奏。欣然曰。此知縣好大膽。太監滋事。不可赦。著交所司治罪。召見方伯。慰勉者再。未幾而擢守寧波矣。旋遷寧紹台道。轉兩浙鹽運使。惠政令望。至今不沫。其杖責閹人。與前所述乾隆年間。熱河巡檢張若瀛縛杖滋事太監。若合符契。尤爲世所傳揚。謝山先生作方伯墓銘云。西涼之域。茂陵所開。晉十六國。繼翦蒿萊。歷唐宋元。頗稱乏才。運際中天。乃起其衰。峩峩使君。破荒而出。如鍊石手。以補天闕。花韞綾被。三館矜式。洊歷方面。樹藩秉臬。被名與位。有如飄蓬。惟茲令聞。可以無窮。吾家粉社。桐鄉之東。甘棠蔽芾。我思召公。可見方伯之亦俠亦儒。蔚成循卓。固非但金花榜子。爲涼州羣彥之慮無也。（按公宦浙多年。最愼庶獄。嘗曰。吾不能必人之無冤。惟求己之無悔。此二語亦刀筆吏座右良箴。）

梁文莊感激恩遇

雍正間。錢唐梁文莊公入直上書房。獲侍高宗皇帝。暨誠和兩親王講讀。以舊學受知遇。迴翔館閣。平步臺衡。恩禮哀榮。曠絕寮索。公晚年自言。嘗爲高宗作擘窠大字。適憲皇帝駕至。諸臣鵠立以俟。憲皇帝命竟其書。以墨漬袍袖。復令高宗曳之。今藏此衣三十年。他時服以就木。庶存殉志君恩也。後公子孫如其言。

梁文莊無媿清秩

內閣吏部翰林院皆京僚極清要地。梁文莊公嘗兼領數年。王尙書際華戲謂曰。公可謂三清居士矣。裘文達公聞之笑曰。兼以上書房南書房則五清也。文莊性儉素。自奉啻於貧士。貲貲熱官。不敢因緣造請。每下直。雙扉盡掩。門庭闕然。署所居爲味初齋。示不忘舊。同時朝論謂惟公實堪此清秩云。

四三麟鳳二六鴻鸞

尹望山相國內召後。贊畫樞要。退居賜園。公子十二人。排日至園奉侍。時謂之四三麟鳳。二六鴻鸞。蓋羨其子多且賢。如荀龍賈虎之比也。

尹文端對於僚屬之謙下

尹文端公老於封疆。凡一督雲貴。三督川陝。四督江南。每遇艱鉅。紆徐料量。靡不妥帖。而性善謙下。將有張弛。必集監司以下。屬曰。我意如是。諸君必駁我。我解說則再駁之。使萬無可駁。而後可行。勿以總督語有所因循也。以故公所行鮮有敗事。吁可法也。

鄂剛烈公

鄂剛烈公（容安）遺詩墨蹟五十一首。爲法時帆祭酒（式善）搜輯。可補鐵冶亭制府（保）